

ՔՐԻՍՏՈՍ ՀԱՐՅԱԿ Ի ՄԵՌԵԼՈՑ ՕՐՀՆՅԱԼ Է ՀԱՐՈՒԹՅՈՒՆԸ ՔՐԻՍՏՈՍԻ



«ՅՐԱՆՑԱՆՈ» (ՆԱՅԱՐԹՅՈՒՆ) ԹԵՐԹԸ ԼՈՒՅՍ Է ՏԵՍՆՈՒՄ 1920 Թ. ԴԵԿՏԵՄԲԵՐԻՑ № 25 - 26 (16930) ՀԱՐԱՐ 3 ԱՊՐԻԼԻ 2021 Թ. ԳԻՆԸ՝ 40 ԹԵԹՐԻ

ՀՆՈՐՀԱՆԴԵՍ

ԿԳՈՐԾԱՐԿՎԻ «ՆԵՐԴՐՈՒՄԱՅԻՆ 100 ԱՌԱՋԱՐԿ ԳՈՐԾԱՐԱՐՈՒԹՅԱՆԸ» ՆԱԽԱԳԻԾԸ

Մարտի 31-ին, կառավարության գրասենյակում Կրաստանի վարչապետ Իրակլի Դարիբաշվիլին հանդիպում ունեցավ մակրոտնտեսական ոլորտում գործող գործարար շրջանների ներկայացուցիչների հետ: Հանդիպմանը կայացավ վարչապետի նախաձեռնությամբ իրականացվող «Ներդրումային 100 առաջարկ գործարարությանը» նախագծի շնորհանդեսը:

Վարչապետն իր խոսքը սկսեց գործարարներին ուղղված երախտիքով ու նշեց, որ գործարարությունն այն հատվածն է, որն առանձնակի տուժեց համավարակից:



(Հարունակությունը՝ 2-րդ էջում)

ԴԻՐՔՈՐՈՇՈՒՄ

ՔՐԻՍՏԻԱՆ ԴԱՆԻԵԼՈՆ. «ՑԱՎՈՔ, ՄԵՐ ԿՈՐՄԻՑ ՊԱՏՐԱՍՏԱԾ ՓԱՍՏԱԹՈՒՂԹԸ ՔԱՂԱՔԱԿԱՆ ՈՉ ՄԻ ԿՈՒՍԱԿՑՈՒԹՅՈՒՆ ՉԸՆԴՈՒՆԵՑ»

Ինչպես արդեն հաղորդել ենք, ընդդիմադիր կուսակցությունների կողմից անցյալ տարվա հոկտեմբերի 31-ի խորհրդարանական ընտրությունների արդյունքների չճանաչելու եւ խորհրդարանի աշխատանքը բոյկոտի ենթարկելու պայմաններում ստեղծված քաղաքական ծգնաժամի հաղթահարման համար, Եվրոպայի խորհրդի նախագահ Շառլ Միշելը Կրաստան գործուղեց իր անձնական ներկայացուցիչ Քրիստիան Դանիելսոնին:

Մարտի սկզբներին, Քրիստիան Դանիելսոնի առաջին այցի ժամանակ, Եվրախորհրդարանի միջնորդությամբ, անցկացվեցին

խորհրդատվություններ կառավարվող թիմի ու ընդդիմության միջեւ, որոնք ոչ մի արդյունքի չհանգեցրին:

Մարտի 27-ին Դանիելսոնը երկրորդ անգամ ժամանեց Կրաստան Եվրախորհրդարանի կողմից:

(Հարունակությունը՝ 4-րդ էջում)

ԻՐԱԿԼԻ ԴԱՐԻԲԱՇՎԻԼԻ. «ԱՐՏԱՆԵՐԹ ԸՆՏՐՈՒԹՅՈՒՆՆԵՐ ՉԵՆ ԼԻՆԻ»

Սեկնաբանելով Եվրախորհրդի միջնորդությամբ իշխանության եւ ընդդիմության միջեւ բանակցային գործընթացում ընդդիմության կողմից առաջադրված արտահերթ ընտրությունների անցկացման պահանջը, Կրաստանի վարչապետ Իրակլի Դարիբաշվիլին հայտարարեց, որ երկրում արտահերթ ընտրություններ չեն լինի:

Նրա խոսքով, 2020 թվականի հոկտեմբերին Կրաստանում անցկացված խորհրդարանական ընտրությունները ճանաչվել են ողջ աշխարհի կողմից:

- Երկրում արտահերթ ընտրություններ չեն լինի: Սենք ավարտեցինք այդ թեմայի շուրջ խոսակցությունները: Տվյալ թեմայի շուրջ մենք լսել

ենք Եվրամիության պաշտոնական ներկայացուցիչների հայտարարությունները, ԱՄՆ-ի պետքարտուղարության, Սենատի եւ մյուսների հայտարարությունները, ԵԱՀԿ/ՕԴԻՐ-ի զեկույցները: Ողջ աշխարհը ճանաչեց մեր ընտրությունները եւ շնորհավորեց մեզ, ի՞նչ ընտրությունների մասին է խոսքը,- նշեց Իրակլի Դարիբաշվիլին:

«ՎՐԱՄԱՆԸ» 100 ՏԱՐԵԿԱՆ Է

ՀՆՈՐՀԱՎՈՐ ՀՈՐԵԼՅԱՆԴ, «ՎՐԱՄԱՆ»



(Հարունակությունը՝ 5-րդ էջում)

Հարգարժան Վան, թանկագին «վրաստանցիներ», ի սրտե շնորհավորում եմ վրաց պարբերական մամուլի ակնառու ներկայացուցիչներից մեկի՝ հայալեզու «Վրաստան» թերթի մեկդարյա հորելյանը:

Ճիշտ է, ձեր ընթերցողը երբեք չեն եղել, թեև

«ՎՐԱՄԱՆ», ՄԵՆՔ ՀՊԱՏԱՆՈՒՄ ԵՆՔ ՔԵԶԱՆՈՎ

Թանկագին բարեկամներ, թերթի հորելյանի իմ շնորհավորական խոսքը ցանկանում եմ սկսել հպարտության զգացումով: Այո՛, հպարտության, քանի որ մեր հայալեզու «Վրաստանը», իր անցած մեկդարյա ուղիով այսօր լույս տեսնող, անգամ վրացալեզու պարբերականների թվում



(Հարունակությունը՝ 5-րդ էջում)

ԵԿԵՂԵՑԱԿԱՆ

ԱՊՐԻԼԻ 4-ԻՆ ՀԱՅ ԱՌԱՔԵԼԱԿԱՆ ՈՒՂԱՓԱՌ ԵԿԵՂԵՑԻՆ ՆԵՌՄ Է ՍՈՒՐԲ ԶԱՏԿԻ ՏՈՆԸ

Կիրակի օրը՝ ապրիլի 4-ին, ժամը 11:00-ին, Հայ Առաքելական Ուղղափառ Սուրբ Եկեղեցու Կիրահայոց թեմի բոլոր գործող եկեղեցիներում կմատուցվի Սուրբ եւ Ամենաի պատարագ՝ նվիրված Հիսուս Քրիստոսի Հարության հրաշափառ տոնին:

Կիրահայոց թեմի առաջնորդ Տեր Կիրակոս Դավթյանը Սուրբ պատարագ կմատուցի Թբիլիսիի Սուրբ Գեորգ առաջնորդանիստ եկեղեցում:

Իսկ այսօր՝ ապրիլի 3-ին, ժամը 18:00-ին, Կիրահայոց թեմի բոլոր եկեղեցիներում կմեկնարկի Փրկչի փառավոր Հարության տոնին նվիրված ծառայություն: Մատուցվելու է ճրագալույցի (Ձատկի նախորդ օրը) Սուրբ պատարագ: Կիրահայոց թեմի առաջնորդ Տեր Կիրակոս վարդապետ Դավթյանի գլխավորությամբ ճրագալույցի Սուրբ պատարագը կմատուցվի Հավլաբարի Սուրբ Էջմիածին եկեղեցում:

Ապրիլի 5-ին մեջեցյալների հիշատակի օրն է:




ՏԱՐԵԿԱՐԶ

30 ՏԱՐԻ ԱՌԱՋ ՎՐԱՍՏԱՆՈՒՄ ԱՆՑԿԱՑՎԵՑ ԱՆԿԱԽՈՒԹՅԱՆ ՀԱՆՐԱՔԵ

Մարտի 31-ին լրացավ Կրաստանի անկախության հանրաքվեի անցկացման 30-րդ տարին:

1991 թվականի մարտի 31-ին երկրի ողջ տարածքում անցկացված Կրաստանի անկախության վերականգման հանրաքվեի արդյունքների հիման վրա, խորհրդային Կրաստանի Գերագույն խորհուրդն ընդունեց անկախության հռչակագիրը եւ դուրս եկավ խորհրդային Միության կազմից:

1991 թվականի մարտի 31-ին, «Համաձայն» եք վերականգնել Կրաստանի պետական անկախությունը 1918 թվականի մայիսի 26-ի Անկախության հռչակագրի հիման վրա» հարցին դրական պատասխանեց 3 295 493 քաղաքացի՝ ընտրողների 99,08 տո-



րի հիման վրա» հարցին դրական պատասխանեց 3 295 493 քաղաքացի՝ ընտրողների 99,08 տո-

(Հարունակությունը՝ 2-րդ էջում)

ՎՐԱՍՏԱՆ-ՀԱՅԱՍՏԱՆ

ԿԱՅԱՑԱԿ ԽՈՐՀՐԴԱՐԱՆԻ ՓՈԽՏՈՍՆԱԿԻ ՀԱՆԴԻՊՈՒՄԸ ՀԱՅԱՍՏԱՆԻ ԴԵՄՊԱՆԻ ՇԵՏ

Կրաստանի խորհրդարանի փոխխոսնակ Լևոն Իոսելիանին հանդիպում ունեցավ Կրաստանում Հայաստանի արտակարգ եւ լիազոր դեսպան Ռուբեն Սաղոյանի հետ: Հանդիպումն անցկացվեց փոխխոսնակի նախաձեռնությամբ:

Հանդիպմանը գրուցակիցները բարձր գնահատեցին վրաց-հայկական բարիդրացիական հարաբերությունները: Կողմերը մտքեր փոխանակեցին տարածաշրջանային մի շարք հարցերի վերաբերյալ:



Հանդիպմանը մասնակցեց նաեւ «Սոքալաքեթի» (Քաղաքացիներ) կուսակցության նախագահ, խորհրդարանական «Սոքալաքեթի» խմբակցության ղեկավար Ալեկո Էլիսաշվիլին:

ԳՈՐԾԱՂԻՐ ԻՇԽԱՌԻԹՅՈՒՆ

ԵՐԿՈՒ ՆՈՐ ՆԱԽԱՐԱՐ՝ ՎՐԱՍՏԱՆԻ ԿԱՌԱՎԱՐՈՒԹՅՈՒՆՈՒՄ



Ռատի Բրեգաձե

Լաշա Խուցիշվիլի

Վարչապետի խոսքով, Գոչա Լորթքիփանիձե, Հաագայի միջազգային դատարանի դատավոր նշանակվելու կապակցությամբ հրաժարական է տվել Վրաստանի արդարադատության նախարարի պաշտոնից: Վարչապետի առաջադրմամբ, այդ պաշտոնում նշանակ-

վել է Ռատի Բրեգաձեն: Մինչ այդ, նա զբաղեցնում էր երկրի պաշտպանության փոխնախարարի պաշտոնը: Նորանշանակ նախարարն ավարտել է Թբիլիսիի պետական համալսարանը, ունի Համբուրգի համալսարանի իրավագիտության մագիստրոսի և դոկտորի որակավորումներ: Տարիներ շարունակ զբաղեցրել է մի շարք պաշտոններ, այժմ դասավանդում է Կովկասի համալսարանում:

Երկրի փոխվաչապետի, ֆինանսների նախարարի պաշտոնից հրաժարականի դիմում է ներկայացրել նաեւ Իվա-

նե Մաճավարիանին: Ինչպես կառավարության միստում նշեց Իրակլի Ղաթիբաշվիլին, Մաճավարիանին, դեռեւս դեկտեմբերին հայտնել էր պաշտոնաթողության մասին, թեպետ ընդառաջելով գործընկերների ցանկությանը, շարունակել է պարտականությունների կատարումը: Վարչապետի առաջադրմամբ, Վրաստանի ֆինանսների նախարարի պաշտոնում նշանակվել է Լաշա Խուցիշվիլին, ով 2014 թվականից զբաղեցնում էր ֆինանսների փոխնախարարի պաշտոնը: 2013-2014 թվականներին եղել է ֆինանսների նախարարության եկամուտների ծառայության ղեկավար:

ՏԱՐԵՂԱՐԶ

30 ՏԱՐԻ ԱՌԱՋ ՎՐԱՍՏԱՆՈՒՄ ԱՆՑԿԱՑՎԵՑ ԱՆԿԱՒՈՒԹՅԱՆ ՀԱՆՐԱՔԿԵ

(Սկիզբը՝ 1-ին էջում)

Կոստ: Բացասական պատասխանեց 16 917 քաղաքացի՝ քվեարկության մասնակիցների 0,51 տոկոսը:

Հարկ է նշել, որ հանրաքվեն անցկացվեց Վրաստանի ողջ տարածքում, այդ թվում՝ Աբխազիայի Ինքնավար Հանրապետության և Ցխվնվալիի տարածաշրջանում, որտեղ նույնպես քաղաքացիների ճնշող մեծամասնությունը հանդես եկավ Վրաստանի անկախացման աջակցությամբ:

Ավելացնենք, որ մարտի 31-ի հանրաքվեի արդյունքների հրապարակումից հետո, հենվելով հանրաքվեի արդյունքների վրա, ընդամենը 9 օրվա ընթացքում Վրաստանը հռչա-

կեց իր անկախությունը: Հարկ է նաեւ ավելացնել, որ 1991 թվականի մարտի 31-ի հանրաքվեն վերջին համաժողովրդական հարցումն էր, որն անցկացվեց Վրաստանի ողջ տարածքում, ներառյալ՝ Աբխազիան և Հարավային Օսեթիայի նախկին ինքնավար մարզը:

Վրաստանի անկախության հռչակագրի հարցով հանրաքվեի 30-րդ տարվա կապակցությամբ Վրաստանի վաչապետ Իրակլի Ղաթիբաշվիլին շնորհավորեց երկրի բնակչությանը:

«Մարտի 31-ը Վրաստանի նորագույն պատմության ամենակարեւոր օրն է: Ուղիղ 30 տարի առաջ՝ 1991 թվականի մարտի 31-ին, Վրաստանի ամբողջ տարածքում անցկաց-

վեց հանրաքվե, որում մեր ժողովուրդը, ներառյալ՝ Աբխազիայում և Սամաչաբլոյում բնակվող մեր համաքաղաքացիները, կողմ քվեարկեցին անկախ Վրաստանի գաղափարին, ընտրեցին պետության անկախության ուղին:

Այս օրը կապված է Վրաստանի ազգային հերոսի, Վրաստանի առաջին նախագահ Ջվիաթ Գամսախուրդիայի անվան հետ, ով այսօր կդառնար 82 տարեկան: Նրա անձնական ներդրումը պետության անկախության վերականգնման գործում անչափելի է: Ջվիաթ Գամսախուրդիան այս պատմական օրվա ոգեշնչողն ու գլխավոր ստեղծողն էր:

Եւ շնորհավորում եմ բոլորին Վրաստանի նորագույն

պատմության համար դարակազմիկ նշանակության օրվա կապակցությամբ», - գրել է Իրակլի Ղաթիբաշվիլին Facebook- ում:

Նշենք, որ Վրաստանի խորհրդարանում անցկացվեց 1991 թվականի մարտի 31-ի հանրաքվեին նվիրված ցուցահանդես:

Ցուցահանդեսին ներկայացված են պատմական օրը ներկայացնող իրադարձությունների փաստաթղթերն ու լուսանկարները, ներառյալ՝ հանրաքվեի վերաբերյալ Գերագույն խորհրդի կողմից ընդունված բանաձեւերն ու օրենքները, թերթերում տպագրված նյութերը եւ քվեարկության գործընթացի լուսանկարները:

ԿՐԹԱԿԱՆ

ՄԵԿՆԱՐԿԵՑ ԵՈՒՄՅԱ ՆՈՐ ԾՐԱԳԻՐ

Կրթության համակարգի որակը եւ ներառականությունն ամրապնդելու համար, Վրաստանի կրթության եւ գիտության նախարարությունը, Նորվեգիայի կառավարությունը եւ ՄԱԿ-ի մանկական հիմնադրամը համատեղ եռամյա ծրագիր են սկսում:



Ծրագրի շահառուները 3-18 տարեկան երեխաներն են, ներառյալ՝ հաշմանդամություն ունեցող երեխաները, ազգային փոքրամասնությունների ներկայացուցիչները, սոցիալապես անապահով խավերը, դպրոցից դուրս կամ դպրոցը թողնելու վտանգի տակ գտնվող երեխաները: Ծրագիրը նրանց կօգնի ներառական եւ որակյալ կրթություն ստանալ: Նախագիծը ֆինանսավորվում է Նորվեգիայի կառավարության կողմից եւ իրականացվելու է 2021-2023 թվականներին:

Ծրագրի շնորհանդեսին զուգահեռ, որը տեղի ունեցավ Վրաստանի կրթության եւ գիտության նախարարությունում, նախարար Սիլվեստր Չխենկելին, Նորվեգիայի դեսպան Շելեն Սանդ Անդրեյսենը, Վրաստանում ՅՈՒՆԵՍԿՕ-ի ներկայացուցիչ Ղասան Խալիլը եւ Նորվեգիայի հատուկ կրթության գործակալության գլխավոր մենեջեր Անմարի Բեքման Հանսենը ստորագրեցին համագործակցության հուշագիր:

Վրաստանում ՅՈՒՆԵՍԿՕ-ի ներկայացուցիչ Ղասան Խալիլը նշեց, որ իրենք հույս ունեն հաջող արդյունքի հասնել:

- Մենք ուրախ ենք, որ այսօր կրթության եւ գիտության նախարարության, Նորվեգիայի կառավարության եւ ՄԱԿ-ի մանկական հիմնադրամի միջեւ համաձայնագիր ստորագրվեց Վրաստանում ներառական կրթության ոլորտում համագործակցության մասին: Սա խոշոր ծրագիր է, որը դրական շոշափելի արդյունքներ կբերի հասարակության եւ ներառական կրթության համար, մասնավորապես՝ հաշմանդամություն ունեցող երեխաների եւ ներառական կրթություն չունեցողների համար: ՅՈՒՆԵՍԿՕ-ը շնորհակալություն է հայտնում Նորվեգիայի կառավարությանը, Վրաստանում Նորվեգիայի դեսպան Շելեն Սանդ Անդրեյսենին եւ կրթության ու գիտության նախարարին: Մենք հույս ունենք հաջող արդյունքների հասնել,- ասաց Ղասան Խալիլը:

Վրաստանում Նորվեգիայի դեսպան Շելեն Սանդ Անդրեյսենը նշում է, որ ներառական կրթության ոլորտում չորս բաղադրիչ ունեցող ծրագրի իրականացումը ուրախալի եւ ողջունելի է:

ԵԿԵՂԵՑԱԿԱՆ

ԾԱՂԿԱԶԱՐԴԻ ՏՈՆԸ ՎԻՐԱՀԱՅՈՑ ԹԵՄՈՒՄ

Մարտի 28-ին՝ Սուրբ Հարությանը նախորդող Կիրակի օրը, Հայ Առաքելական Սուրբ եկեղեցին տոնեց Ծաղկազարդը, որը խորհրդանշում է Քրիստոսի հաղթական մուտքը Երուսաղեմ:

Թբիլիսիի առաջնորդանիստ Սուրբ Գեորգ եկեղեցում փրահայոց թեմի առաջնորդ Տեր Կիրակոս վարդապետ Դավթյանի հանդիսապետությամբ, մատուցվեց Սուրբ եւ Ամենա պատարագ:

Ծաղկազարդի տոնը տարիներ առաջ Ն.Ս.Օ.Տ.Տ. Գարեգին Բ Ամենայն Հայոց կաթողիկոսի կողմից հռչակվել է Մանուկների օրհնության օր: Այդ կապակցությամբ, Հայր Սուրբի գլխավորությամբ կատարվեց մանուկների, ապա նաեւ ծիթեմու ու ուռեմու ոստերի օրհ-

նության կարգ: Օրհնված ոստերը հավատացյալները տարան իրենց տները: Ծաղկազարդի տոնը Սուրբ եւ Ամենա պատարագով նշանավորվեց նաեւ Բաթումիի, Ախալքալաքիի, Նինոծմինդայի, Ախալցխիի, Ծալկայի, Մառնեու-

լիի, Բուխիսիի, Թեթրիժարոյի մունիցիպալիտետներում գործող հայկական՝ բուր եկեղեցիներում:



պալիտետներում գործող հայկական՝ բուր եկեղեցիներում:

ՇՆՈՐՀԱՆԴԵՍ

ԿԳՈՐԾԱՐԿՎԻ «ՆԵՐԴՐՈՒՄԱՅԻՆ 100 ԱՌԱՋԱՐԿ ԳՈՐԾԱՐԱՐՈՒԹՅԱՆԸ» ՆԱԽԱԳԻԾԸ

(Սկիզբը՝ 1-ին էջում)

- Ծանր վիճակում հայտնվեցին բոլորը՝ բնակչությունը, մեր ժողովուրդը, ընդհանրապես գործարարությունը, որը երկրի գլխավոր գործատունն է ու բարիք ստեղծողը: Ելնելով դրանից՝ ցանկանում են կառավարության անունից եւս մեկ անգամ շնորհակալություն հայտնել այն ամենի համար, ինչ դուք անում եք երկրի տնտեսական զարգացման, մեր քաղաքացիներին աշխատանքով ապահովելու եւ իրատեսական զարգացման հիմքերի ստեղծման համար: Սա մեր առաջին պաշտոնական հանդիպումն է, թեւս այլ ձեւաչափով նույնպես հանդիպումներ կունենանք,- հայտարարեց վարչապետը եւ խոսեց երկրի զարգացման 10-ամյա ծրագրի մշակման ընթացքի մասին՝ կարեւորելով այդ գործընթացում գործարարների մասնակցությունը:

Հանդիպմանը մասնակիցներն անդրադարձան երկրում մակրոտնտեսական ոլորտում առկա հարցերին,

ինչպես նաեւ համավարակի պայմաններում գործարարության առջեւ ծառացած մարտահրավերներին: Քննարկվեցին գործարարների առջեւ ծառացած հիմնախնդիրները եւ կորոնավիրուսի համավարակի ազդեցությունը ոլորտի գործունեության վրա:

Հանդիպմանը վարչապետը ներկայացրեց ճգնաժամի հաղթահարման կոնկրետ տեսլականն ու ընդգծեց, որ պատվաստման գործընթացի ակտիվացման դեպքում, իրատեսական հնարավորություն կսկսվեն գործարարության եւ էկոնոմիկայի արդյունավետ աշխատանքի համար: Իրակլի Ղաթիբաշվիլին կրկին անգամ ընդգծեց գործարարության աջակցության մտադրությունը եւ պատրաստականությունը սերտ համագործակցության ծավալման ուղղությամբ: Ըստ վարչապետի, իր համար առաջնահերթային է՝ որքան հնարավոր է պակաս բյուրոկրատական արգելքներ ծագեն գործարարների առջեւ, ինչպես կենտրոնական կառավարության, այնպես էլ՝ տարածաշրջանում վարչակազմերի մակարդակով, քանի որ Վրաստանի տն-

տեսական զարգացման, քաղաքացիների զբաղվածության ու իրատեսական առաջընթացի հիմքը՝ տնտեսական զարգացման աջակցությունն է, եւ գործարարության դերը դրանում բացառիկ նշանակություն ունի:

Հանդիպմանը խոսեցին նաեւ երկրի զարգացման 10-ամյա ծրագրի մասին, որը մշակվում է վարչապետ Իրակլի Ղաթիբաշվիլու նախաձեռնությամբ եւ դրանում ընդգրկված են գործարար շրջանների ներկայացուցիչները: Կառավարության ղեկավարը պատրաստականություն հայտնեց աշխատանքային խմբերի շրջանակներում հանդիպումներ անցկացնել գործարարության տարբեր ոլորտների ներկայացուցիչների հետ, որպեսզի հաշվի առնվեն զարգացման 10-ամյա ծրագրի կապակցությամբ, նրանց հայացքներն ու հանձնարարականները:

Իրակլի Ղաթիբաշվիլու նախաձեռնությամբ անցկացված հանդիպմանը ներկա էին քիմիա-սոցիալ-գիայի անդամները, ֆինանսական հատվածի ու վերլուծաբանական կենտրոնների ներկայացուցիչներ:

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԳՈՐԾԱԴԻՐ

ՃԱՄԱՔԱՅԻՆ ՍԱՀՄԱՆՆԵՐԻ ԲԱՅՄԱՆ ՀԱՐՁԸ` ԿԱՌԱՎԱՐՈՒԹՅԱՆ ՕՐԱԿԱՐԳՈՒՄ

Մարտի 29-ի կառավարության նիստի ավարտին, Վրաստանի էկոնոմիկայի եւ կայուն զարգացման նախարար Նաթիա Թուրնավան հայտարարեց, որ Վրաստանի կառավարությունը քննարկում է ցամաքային սահմանի բացման հնարավորությունը:

Նախարարի խոսքով, ցամաքային սահմանների բացումը ազդակ կհաղորդի երկրի էկոնոմիկայի, մասնավորապես` զբոսաշրջության զարգացմանը, ինչը դրական ազդեցություն կգործի ինչպես օտարերկրյա տարադրամով երկրի բյուջեի ու բնակչության եկամուտների ավելացման, այնպես էլ ազգային տարադրամի կուրսի կայունացման վրա:


- Գլխավորը, որ կարող է ապահովագրել լարիի փոխարժեքի հետագա տատանումը, տնտեսության արագ վերականգնումն է: Դուք գիտեք, որ մենք

գործնականում վերացրել ենք զբոսաշրջության վերականգնման հիմնական սահմանափակումները: Այժմ մենք արդեն քննարկում ենք, թե ինչ պայմաններով կկարողանանք բացել ցամաքային սահմանները,- հայտարարեց Նաթիա Թուրնավան:

Հիշեցնենք, որ 2021 թվականի փետրվարի 1-ից Վրաստանը վերացրել էր կանոնավոր ավիաչվերթերի նկատմամբ կիրարկված բոլոր սահմանափակումները: Օտարերկրացիները կարող են Վրաստան ժամանել ինքնաթիռով, եթե ներկա-



յացնեն կորոնավիրուսի PCR թեստ` բացասական արդյունքով: Մինչդեռ Վրաստանի ցամաքային սահմանները գործնականում փակ են` դրանցով թույլատրում են տեղաշարժվել կա'մ Վրաստանի քաղաքացիներին, կա'մ օտարերկրացիներին, եթե նրանք պատվաստման ամբողջական կուրսն անցնելու փաստաթուղթ ներկայացնեն:



ՀԱՐԳԱՆՔԻ ՏՈՒՐՔ` ԶՎԻԱԴ ԳԱՄՍԱԽՈՒՐԴԱՅԻ ԴԻՇԱՏԱԿԻՆ



Մարտի 31-ին կլրանար Վրաստանի առաջին նախագահ Զվիադ Գամսախուրդիայի 82-ամյակը: Օրվա առիթով, Վրաստանի վարչապետ Իրակլի Դարիբաշվիլին, խորհրդարանի նախագահ Արչիլ Թալալվաձեն այցելեցին Մթածմինդայի գորղներին եւ հասարակական գործիչների պանթեոն, հարգանքի տուրք մատուցեցին այնտեղ հուղակավորված Զվիադ Գամսախուրդիայի հիշատակին:

«ԶՐԱՅԻՆ ՌԵՍՈՒՐՍՆԵՐԻ ՄԻՋԱԶԳԱՅԻՆ ՕՐԸ»` ԱՆԱԼՔԱԼԱՔԻՈՒՄ

Մարտի 22-ին աշխարհում նշվում է «Զրային ռեսուրսների համաշխարհային օրը», որ կոչված է հասարակության ուշադրությունը հրավիրել ջրային օբյեկտների խնդիրներին, դրանց վերականգնմանը, մաքրմանն ու բնակչությանը խնդիրները (տնօրեն` Արմեն Բիչախչյան) տրամադրեց ջրային պաշարների պահպանման անհրաժեշտ պարագաներ (ծեռնոցներ, պարկեր եւ այլն): Կենտրոնի աշխատակիցները հնարավորինս մաքրեցին Ախալքալաքի Փարվանա եւ Կրբուլախ գետերը:

Այս կարեւոր բովանդակությունը էր կրում Ախալքալաքիում ջրային ռեսուրսների պահպանման ուղղված միջոցառումը, որի շրջանակներում «CLEAN UP GEORGIA» ծրագիրը մոնիցինգայիտետի քաղաքապետարանի ոչ կոմերցիոն «Իրավաբանական անձ» սպասարկման կենտրոնին (տնօրեն` Արմեն Բիչախչյան) տրամադրեց ջրային պաշարների պահպանման անհրաժեշտ պարագաներ (ծեռնոցներ, պարկեր եւ այլն): Կենտրոնի աշխատակիցները հնարավորինս մաքրեցին Ախալքալաքի Փարվանա եւ Կրբուլախ գետերը:

Միջոցառման ավարտին, մեր թերթի թղթակցի հետ զրույցում Արմեն Բիչախչյանը, իր գնահատանքը հայտնելով աշխատակիցներին ու միջոցառմանը մասնակից կամավորներին, մասնավորապես, նշեց,

- Մաքուր պահենք մարդկության համար կենսականորեն կարեւոր քաղաքացիներից մեկը` ջուրը, որի մաքրությունը 21-րդ դարի հանգուցային մարտահրավերներից է ողջ աշխարհի մարդկության համար:

Նշենք, որ «Զրային ռեսուրսների համաշխարհային օրն» առաջին անգամ նշվել է 1993 թվականին: Որոշումը կայացվել է ՄԱԿ-ի Շրջակա միջավայրի պահպանության ու զարգացման համաժողովի ընթացքում:

ՇՈՒՇԱՆ ՎԱՆՑԱՆ

ԷԿՈՆՈՄԻԿԱ

ԿԱՆԽԱՏԵՍՎՈՒՄ Ե ՎՐԱՍՏԱՆԻ ՏՆՏԵՍՈՒԹՅԱՆ 4 ՏՈԿՈՍ ԱՃ

Համաշխարհային բանկի կանխատեսման համաձայն, Վրաստանի տնտեսությունը հավանաբար չվերականգնվի մինչեւ 2022-ի տարեվերջ:

Համաշխարհային բանկի տեղեկագրում նշվում է, որ «COVID-19» համավարակն ուժեղ հարված է հասցրել Վրաստանին: 2020 թվականին տեղաշարժման սահմանափակումները, միջազգային զբոսաշրջիկների ժամանումների համակարծակի դադարեցումը եւ արտերկրում թույլ պահանջարկը հանգեցրին 6.2 տոկոսով տնտեսության անկման: Աղքատության մակարդակն աճել է շուրջ 5.4

տոկոսով: Հատկապես սուր խնդիր էր աշխատատեղերի եւ եկամտի կորուստը: Ըստ կանխատեսումների, 2021 թ. Վրաստանի տնտեսությունը կաճի 4, իսկ 2022-ին` 5 տոկոսով: Չնայած տնտեսության բարելավմանը, մինչեւ 2022 թվականի ավարտը ընդհանուր արտադրողականության ծավալը չի կարողանա վերադառնալ COVID-19-ին նախորդած ժամանակահատվածին:

ՄԻՋԱԴԵՊ

ՎԼԱԴԻՄԻՐ ՊՈԶՆԵՐԻՆ ԾԱՆԱՊԱՐՅԵՑԻՆ ՏՈՒԳԱՆԵԼՈՎ, ԳՈՐԳՈՌՈՑՆԵՐՈՎ ՈՒ ԶՎԵՐ ՆԵՏԵԼՈՎ



«Աբխազիայի մասին մոռացեք, այն Վրաստան չէ» արտահայտության հեղիկանը իր ծննդյան օրը, 41 հյուրի հետ, ցանկանում էր նշել Թբիլիսիի «Վինոտել» հյուրանոցում, թեեւ ցուցարարները, ինչ-

Մարտի 31-ին, ծննդյան 87-ամյակը Վրաստանում տոնելու նպատակով, Թբիլիսի էր ժամանել ճանաչված լրագրող, հակավրացական արտահայտություններով հայտնի Վլադիմիր Պոզները:

պես նաեւ հասարակական կարգուկանոնը պահպանող ոստիկանները նրան դրա հնարավորությունը չտվեցին: Եթե ցուցարարներն իրենց բողոքն էին ներկայացնում անցանկալի հյուրի այցի կապակցությամբ, ապա իրավապահները Վլադիմիր Պոզներին ու նրան ուղեկցող անձանց կրնկերն մեղադրանք ներկայացրին կարանտինի կարգի խախտման փաստով եւ

Վրաստանի քրեական օրենսգրքի 42-րդ հոդվածի 10-րդ մասի համաձայն, տուգանեցին: 10 հազար լարիի տուգանք սահմանվեց նաեւ «Վինոթել» հյուրանոցին:

Ապրիլի 1-ի լուսաբացին Վլադիմիր Պոզները եւ նրան ուղեկցող անձինք, ոստիկանության ուղեկցությամբ հյուրանոցից մեկնեցին օդանավակայան ու լքեցին Վրաստանը:

ՇՆՈՐՀԱՎՈՐՈՒՄ ԵՆՔ

ՎՐԱՍՏԱՆՑԻ ԱՌԱՋԻՆ ՕԼԻՄՊԻԱԿԱՆ ՉԵՄՊԻՈՆ ՈԱՖԱՅԵԼ ՉՄՇԿՅԱՆԸ 92 ՏԱՐԵԿԱՆ Է

Հավանաբար, դժվար է գտնել ծանրամարտի պատմությանը թեկուզեւ մասնակի տեղյակ այնպիսի մեկին, ում ծանոթ չլինի 1952 թվականի Հելսինկիի օլիմպիական խաղերի չեմպիոն Ռաֆայել Չմշկյանի անունը:

Մանավանդ որ, Ռաֆայել Չմշկյանը նաեւ Եվրոպայի հնգակի չեմպիոն, Խորհրդային Միության եւ Վրաստանի բազմակի չեմպիոն, երիտասարդների եւ ուսանողների երրորդ համաշխարհային բեռլինյան 1951 թվականի փառատոնի չեմպիոն, համաշխարհային 14 ռեկորդների հեղինակ, միջազգային կարգի մրցավար, Վրաստանի ծանր ատլետիկայի ֆեդերացիայի նախագահության անդամ, այսօրվա Վրաստանի ծանրամարտի հավաքականի եւ օլիմպիական ռեգերվների մարզադպրոցի խորհրդական, Խորհրդային «Պատվո նշան» շքանշանի, Վրաստանի Պատվո շքանշանի ասպետ է:

Սա երկաթածողի վարպետի մարզական դժվարին, բայ-

ցեւ պատվավոր ուղու միայն հակիրճ թվարկումն է: Մարզական աշխարհի մեծությանն անդրադառնալու առիթը նրա 92-ամյա տարեդարձն է, որը տոնեց այս օրերին:

«Վրաստան» թերթի խմբագրությունն ի սրտե շնորհավորում է փառապանծ մարզիկի, սպորտի վետերանի, օլիմպիական չեմպիոն Ռաֆայել Չմշկյանին ծննդյան օրվա առթիվ, մաղթում քաջառողջություն, երկարակեցություն, որ կարողանա եւս երկար տարիներ երիտասարդների համար մնալ մարզական սխրանքի ընդօրինակման արժանի ու կենդանի լեգենդ:



ԵՎՐԱԻՆՏԵԳՐՈՒՄ



4 ՏԱՐԻ` ԱՆԱՅՑԵԳՐԱՅԻՆ ՊԱՅՄԱՆԱԿԱՐԳԻ ՀԱՍՏԱՏՈՒՄԻՑ ՀԵՏՈ

Մարտի 28-ին լրացավ Վրաստանի քաղաքացիներին Եվամիության եւ Շենգենյան գոտու երկրներ անայցեգրային պայմանակարգով ճանապարհորդելու հնարավորություն շնորհելու 4 տարին: Անայցեգիր Վրաստանի քաղաքացիները վերոնշյալ երկրներում կարող են լինել կարճաժամկետ այցով, 180 օրից ցանկացած 90 օրվա ընթացքում:

Եվրամիության կամ Շենգենի գոտու երկրներում 90 օր մնալուց հետո, Վրաստանի քաղաքացին պետք է լքի այդ երկրի տարածքը: Եվրամիության եւ Շենգենյան գոտու հաջորդ մուտքը հնարավոր է հաջորդ 90 օրվա (ընդհանուր առմամբ` 180 օրվա) ավարտից հետո:

Կարճաժամկետ այցելությունները կարող են իրականացվել տարբեր նպատակներով. զբոսաշրջային, ընտա-

նիքի անդամների/մերձավորների տեսակցություն, գործարար հանդիպում, կարճաժամկետ ուսումնական եւ փոխանակման ծրագրեր/թերյնինգներ, դասընթացներ, մշակութային կամ գիտական միջոցառումներին մասնակցություն, բուժում եւ այլն: Ցանկացած նման այցի տեւողությունը չպետք է գերազանցի 90 օրը. Առանց այցեգրի ռեժիմը չի տարածվում կրթության, աշխատանքի կամ այլ նպատակներով Եվրամիության/Շենգենի ան-

դամ պետություններ երկարաժամկետ այցերի վրա:

Եվրամիության/Շենգենյան երկրի տարածքում երկար ժամանակ մնալու ցանկության դեպքում, Վրաստանի քաղաքացիները պետք է դիմեն Վրաստանում հավատարմագրված համապատասխան երկրի հյուպատոսական բաժանմունք` այցեգիր ստանալու:

Արտաքին գործերի նախարարության գնահատմամբ, Եվրամիության երկրներում առանց վիզայի ճանապարհորդությունը Վրաստանի համար ունի մեծ քաղաքական նշանակություն, քանի որ երկիրն ավելի է մտերմացել եվրոպական ընտանիքի հետ, եւ նրա անդամ պետությունների կողմից ճանաչվել` որպես Եվրամիության եւ նրա անդամների հուսալի ու արժանի գործընկեր:

Էջը պատրաստեց ԱՐԵՎԻԿԱ ՄԱՆՈՒԿՅԱՆԸ

ԴԻՐՔՈՐՈՇՈՒՄ

ՔՐԻՍՏԻԱՆ ԴԱՆԻԵԼՍՈՆ. «ՑԱՎՈՔ, ՄԵՐ ԿՈՂՄԻՑ ՊԱՏՐԱՍՏԱԾ ՓԱՍՏԱԹՈՒՐԹԸ ՔԱՂԱՔԱԿԱՆ ՈՉ ՄԻ ԿՈՒՍԱԿՑՈՒԹՅՈՒՆ ՉԸՆԴՈՒՆԵՑ»

(Սկիզբը՝ 1-ին էջում)

մից մշակված հատուկ փաստաթղթով, որն ըստ Եվրախորհրդարանի, փոխընդունելի էր երկու կողմերի համար: Թեպետ ձգվող բանակցություններն այս անգամ էլ արդյունքի չհանգեցրին:

Մարտի 30-ին, կառավարող թիմի եւ ընդդիմության հանրագումարային հանդիպման ավարտին Եվրախորհրդի ներկայացուցիչ Քրիստիան Դանիելսոնը հայտարարեց, որ միջնորդների կողմից պատրաստած փաստաթուղթը ոչ

մի քաղաքական կուսակցության կողմից չընդունվեց:

- Այսօր ես՝ որպես Եվրախորհրդի նախագահ Շառլ Միշելի անձնական ներկայացուցիչ, ավարտեցի իմ միջնորդական երկրորդ առաքելությունը Վրաստանում: Գոյություն ունի այս ճգնաժամի կարգավորման որոշում: Դա այն որոշումն է, որը ներառում է արտակարգ մշանկություն ունեցող ընտրական եւ իրավական համակարգերը, իշխանության վերաբաշխումը, առանձնապես՝ խորհրդարանում: Եվ դա այն որոշումն

է, որը կավարտեր ձգձգվող բանավեճերը՝ քաղաքականացված դատարանի գործերով եւ վաղաժամ ընտրությունների հարցով: Խոսքն այն որոշման մասին է, որը պահանջում էր քաղաքական համարձակություն, եւ ես ներկայացրի այնպիսի առաջարկություններ, որոնք կիրառարակվեն: Այս որոշման հիմքում երկրի շահերի գերակայումն էր մյուս բոլոր հարցերից, եւ ցավում եմ, որ ոչ մի կուսակցություն մնաց որոշման չհանգեց,- հայտարարեց Քրիստիան Դանիելսոնը:

ԱՐԶԻՆ ԹԱԼԱԿԱՅԵ. «ԽՈՐՀՐԴԱՐԱՆԻ ԴՈՒՈՐ ԲԱՑ Է ԸՆԴԴԻՄՈՒԹՅԱՆ ՄՅՈՒՄ ԱՆԴԱՄՆԵՐԻ ՀԱՄԱՐ»

Մենք հայտարարել ենք, որ խորհրդարանի դուռը բաց ենք թողնում ընդդիմության մյուս անդամների համար: Եվ եթե նրանք չափազանցված են 2024 թվականի խորհրդարանական ընտրությունների շեմին իջեցնելու գործում, ապա այդ հնարավորությունն ստեղծված է,- շեշտել է Վրաստանի խորհրդարանի նախագահ, Արչին Թալակվաձեն:

- Սահմանադրական փոփոխությունն ամեն դեպքում սահմանադրական քվորումի կարիք ունի: Հետեւաբար, անհնար է ընդունել այս փոփոխությունը առանց 113 մարդու: Մեր կողմից այս նախաձեռնության գրանցումը պատասխանատվության եւ քաղաքական կամքի դրսեւորում է, որը մենք ցույց ենք տվել քաղաքական երկխոսության շրջանակներում: Հետեւաբար, մենք նաեւ ասացինք, որ խորհրդարանի դուռը բաց ենք թողնում ընդդիմու-

թյան մյուս անդամների համար, եւ եթե նրանք չափազանցված են 2024 թվականի խորհրդարանական ընտրությունների շեմին իջեցնելու մեջ, ուրեմն այդ հնարավորությունը ստեղծվում է, - հայտարարեց Արչին Թալակվաձեն:



ՔԱՂԱՔԱՑԻԱԿԱՆ ԻՆՏԵԳՐՈՒՄ

ՄԵԿՆԱՐԿԵՑ «ԱԶԳԱՅԻՆ ՓՈՔՐԱՄԱՍՆՈՒԹՅՈՒՆՆԵՐԻՆ ԱՆԿՃԱՐ ԻՐԱՎԱԲԱՆԱԿԱՆ ՊԵՏԱԿԱՆ ԾԱՌԱՅՈՒԹՅՈՒՆՆԵՐԻ ՀԱՍԱՆԵԼԻՈՒԹՅԱՆ» ՏԵՂԵԿԱՏՎԱԿԱՆ ԱՐՇԱԿԻ ՆԱԽԱԳԻԾԸ



Մարտի 29-ին Վրաստանի հաշտեցման եւ քաղաքացիական իրավահավասարության հարցերով պետական նախարար Թեա Ախվեղիանին հայտնեց գերատեսչության նախաձեռնությամբ իրականացվող «Ազգային փոքրամասնությունների անվճար իրավաբանական պետական ծառայությունների հասանելիության» տեղեկատվական արշավի նախագծի մեկնարկի մասին:

Մարտի 29-ին Վրաստանի հաշտեցման եւ քաղաքացիական իրավահավասարության հարցերով պետական նախարար Թեա Ախվեղիանին հայտնեց գերատեսչության նախաձեռնությամբ իրականացվող «Ազգային փոքրամասնությունների անվճար իրավաբանական պետական ծառայությունների հասանելիության» տեղեկատվական արշավի նախագծի մեկնարկի մասին:

Նախագիծը, համագործակցելով «Իրավաբանական օգնության ծառայության» հետ, իրականացվում է ԱՄՆ Միջազգային զարգացման գործակալության (USAID) եւ Վրաստանի ՄԱԿ-ի ասոցիացիայի (UNAG) «Հանդուրժողականության, քաղաքացիական ճանաչողականության եւ ինտեգրման նախագծի (PITA) աջակցությամբ:

Նախագծի բացման արարողությանը պետնախարար Թեա Ախվեղիանին ընդգծեց ազգային փոքրամասնությունների ներկայացուցիչների պետական ծրագրերի եւ տարբեր արդիական հարցերի վերաբերյալ իրազեկվածության կարեւորությունը, ինչը քաղաքացիական հավասարության քաղաքականության առաջնահերթություններից է: Այդ տեսանկյունից, պետնախարարի հավաստմամբ, վերոնշյալ արշավը մշակակալի քայլ է անվճար իրավաբանական օգնության պետական ծառայությունների մատչելիությունը բարելավելու ուղղությամբ: Նա ընդգծեց նախագծին մաս-

նակցող երիտասարդների դերը, ովքեր հատուկ դասընթացից հետո տեղեկատվական հանդիպումներ կանցկացնեն Սամցխե-Ջավախեթի, Քվեմո Քարթլիի եւ Կախեթի տարածաշրջաններում:

- Պետական ծառայությունների եւ ծրագրերի մասին մեր համաքաղաքացիների առավելագույն տեղեկացումը հանրային կյանքում ազգային փոքրամասնությունների լիարժեք մասնակցության կարեւոր նախապայմանն է, որը նաեւ քաղաքացիական հավասարության եւ ինտեգրման պետական քաղաքականության գերակա խնդիրներից է,- ասաց Թեա Ախվեղիանին ու հավելեց, որ նախագծին մասնակցող երիտասարդներն իրենց հասակակիցներին կծանոթացնեն անվճար իրավաբանական օգնության պետական ծառայություններին եւ դրանց օգտագործման հնարավորություններին:

- Միաժամանակ, նրանց հնարավորություն կտրվի զարգացնել իրենց իրապարակային խոսքի ներկայացման հմտությունները: Նախագծի հաջորդ փուլում դասընթացավարների դա-

րոցի մասնակիցները, տեղեկատվություն տարածողները հանդիպումներ կանցկացնեն ազգային փոքրամասնությունների ներկայացուցիչների հետ իրենց մայրենի լեզվով՝ Սամցխե-Ջավախեթիում, Քվեմո Քարթլիում եւ Կախեթիում, մունիցիպալիտետների կենտրոններից հեռու գտնվող գյուղերում,- հայտարարեց Թեա Ախվեղիանին:

Նշենք, որ նախագծի առաջին բաղադրիչը ներառում է դասընթացավարների վերապատրաստում, որի ընթացքում մասնակիցները կհանդիպեն «Իրավաբանական օգնության ծառայության» ներկայացուցիչների հետ եւ տեղեկություններ կստանան անվճար իրավաբանական օգնության վերաբերյալ: Նախագծի հաջորդ փուլում երիտասարդներն անվճար իրավաբանական ծառայությունների վերաբերյալ տեղեկատվական հանդիպումներ կանցկացնեն Սամցխե-Ջավախեթի, Քվեմո Քարթլիի եւ Կախեթի տարածաշրջանների դպրոցական հանրության ու գյուղերի լիազորների հետ: Հանդիպումներ կանցկացվեն նաեւ Վրաստանում բնակվող գնչու ներկայացուցիչների հետ:

Էջը պատրաստեց ՅՈՒՐԻ ԽՈՐԵՆՅԱՆԸ

ՀԻՆԳ ԹԵՄԱՆԵՐ, ՈՐՈՆՔ ՆԵՐԱՌՎԱԾ ԷԻՆ ԵՎՐԱՍԽՈՐՀՐԴԻ ՄԻՋՆՈՐԴՈՒԹՅԱՐ ԱՆՅԱՅՎՈՂ ԲԱՆԱԿՅՈՒԹՅՈՒՆՆԵՐՈՒՄ

Ինչպես արդեն նշեցինք, Վրաստանի իշխանության եւ ընդդիմության միջեւ կայացած բանակցությունները մորից ավարտվեցին անարդյունք: Եվրոպական խորհրդի նախագահ Շառլ Միշելի հատուկ ներկայացուցիչ Քրիստիան Դանիելսոնի միջնորդությամբ շուրջ 7 ժամ շարունակ ընթացող բանակցություններից հետո, չվեղ դիվանագետը հայտարարեց, որ կողմերը պատրաստ չէին փոխգիշումների: Միաժամանակ նա հայտարարեց, որ Վրաստանում Եվրամիության ներկայացուցչությունը կիրառարակի բանակցությունների օրակարգում ընդգրկված բոլոր հիմնական թեմաները:

Առաջինը՝ քաղաքականացված արդարադատության հարցն էր, մասնավորապես 2019 թվականի հունիսյան դեպքերի պատճառով ձերբակալվածների ազատարձակում համաձայնեցման մասին օրենքով: Երկրորդը վերաբերում էր ընտրական փոփոխություններին: Մասնավորապես, նախատեսվում էր առաջիկա ընտրություններն անցկացնել լրիվ համամասնական ընտրակարգով, իսկ հաջորդ երկու խորհրդարանական ընտրությունները՝ 2 տոկոսանոց ընտրաշեմով: Ընդ որում, բարեփոխումը վերաբերում է նաեւ տեղական ընտրություններին,- երրորդ թեման վերաբերում էր բազմակուսակցական ներգրավվածությամբ դատական համակարգի բարեփոխմանը, օրենքի գերակայության հաս-

տատմանը: Եվրամիության կողմից առաջարկված չորրորդ թեման առնչվում էր խորհրդարանում իշխանության բաշխմանը, մասնավորապես, խորհրդարանում 5 կոմիտեի ղեկավարներ են մշակվում ընդդիմությունից: Հինգերորդ թեման՝ ընդդիմության ամենացավոտ հարցն էր՝ առաջիկա ընտրությունները: Եվրամիության համաձայնարարականում մշակված էր, որ անկախ կուսակցությունների կողմից 2020 թվականի խորհրդարանական ընտրությունների գնահատումների, ընտրաշեմը հաղթահարած կուսակցությունները վերցնում են խորհրդարանական մանդատներն ու ընտրական օրենսգրքի բարեփոխման հաշվառմամբ, մասնակցում են հաջորդ ընտրություններին:

ՄՓՅՈՒՌԷԻ ԿՈՄԻՏԵՈՒՄ ՍՏԵՂԾՎԵՑ ԱԶԳԱՅԻՆ ՓՈՔՐԱՄԱՍՆՈՒԹՅՈՒՆՆԵՐԻ ՀԱՐՅԵՐՈՎ ԽՈՐՀՐԴԱՏՎԱԿԱՆ ԽՈՐՀՈՒՐԴ

Վրաստանի խորհրդարանում Սփյուռքի եւ Կովկասի հարցերով խորհրդարանական կոմիտեի հովանու ներքո ստեղծվել է ազգային փոքրամասնությունների հարցերով գիտա-խորհրդատվական խորհուրդ:

Խորհուրդում կներառվեն Վրաստանում բնակվող 16 տարբեր էթնիկ խմբերի կազմակերպությունների ներկայացուցիչներ: Խորհրդի գլխավոր նպատակը երկկողմ արդյունավետ ինտեգրման գործընթացին աջակցելն է ու Վրաստանում ապրող էթնիկ խմբերին հուզող հիմնախնդիրների համակարգային լուծումը:

Խորհուրդը կգործի նաեւ ազգային փոքրամասնություն կազմող երիտասարդների զբաղվածության, ինչպես նաեւ մշակութային հարցերով:

- Մեզ հնարավորություն է տրվում օգտագործել խորհրդարանական հարթակը, բարձրացնել մեզ հուզող հարցերն ու հիմնախնդիրները, է՛լ ավելի ներգրավվել հասարակայնության կյանքում: Մեզ համար դա լրացուցիչ հնարավորություն է՝ խոսել մեր հիմնախնդիրների, մեր մշակույթի մասին, ձեւավորել առաջիկայի նախագծերը,- հայտարարել է ազգային փոքրամասնությունների հարցերով խորհրդատվական խորհրդի ղեկավար Մարգարիտա Խիդիրբեգաշվիլի-Գրիգորյանը:

Նշենք, որ ազգային փոքրամասնությունների հարցերով խորհրդատվական խորհրդի ստեղծման նախաձեռնությամբ հանդես է եկել խորհրդարանում



«Վրացական երազանք» խմբակցության փոխնախագահ Ռիմա Բերիձեն: Նրա խոսքով, ազգային փոքրամասնությունները ներկայացնում են Վրաստանի բնակչության մշակակալի հատվածը եւ նրանց հիմնախնդիրները պետք է լինեն ուշադրության կենտրոնում:

- Ազգային փոքրամասնությունների ներկայացուցիչները բազում տարիներ իրենց ավանդ են ներդրել մեր երկրի զարգացման գործում: Համոզված եմ, որ խորհրդի աշխատանքը կլինի արդյունավետ, եւ այն կարելու էր կկատարի խորհրդարանական գործունեության մեջ ազգային փոքրամասնությունների ներգրավմամբ ու երկկողմ ինտեգրման գործընթացում,- ասաց Ռիմա Բերիձեն:

Ավելացնենք, որ Սփյուռքի եւ Կովկասի հարցերով խորհրդարանական կոմիտեն միաժամուռ հավանություն տվեց խորհրդատվական խորհրդի ստեղծման գաղափարին: